

Rapport vun der Versammlung mam Schäfferot den 11 / 05 / 2013 um 10 :30 Auer

Präsenzen : Claude, Stefano, Yves, Laura, Steve, Mergim

Vertrieder vum Schäfferot: Marc Lies, Ali Thull, Théo Zeimes, Diane Adehm

Entschëllegt : Pit

Themen déi beschwat gi sinn:

- Begréissung duerch den Marc Lies (Buergermeeschter)
- Kuerz Virstellung vun de Memberen vum Schäfferot
- Kuerz Virstellung vun de Memberen vum Jugendgemengerot
- Kuerz Presentatioun vum Projet « Jugendgemengerot » duerch den Gary Diderich
- Virstellung Projet « Maart » (Yves Weiland)
- Virstellung Projet « Grillplazen » (Claude Charpentier)
- Jugendinfrastrukturen Gemeng Hesper (Laura Mockel, Steve Costa)
- Late-Night Bus (Yves Weyland)
- Ufro Budget Fonctionnement JGR (Yves Weiland)
- Froen vun de Memberen vum Jugendgemengerot un de Schäfferot
- Neien Datum

Begréissung duerch den Marc Lies (Buergermeeschter)

Den Buergermeeschter huet déi hærzlech wëllkomm geheescht am Gemengerotssall fir dës éischt Entrevue mam Schäfferot an ass agaangen op d'Virgeschicht vum Jugendgemengerot. 2002 war mat der Organisatioun den Ufank vum organiséierten Dialog mat den Jonken aus der Gemeng andeems all d'Jonk aus der Gemeng op een éischten Jugendforum invitéiert ginn sinn. D'Gemeng huet dann all déi Projet'en no an no ëmgesat: Jugendtreff, Late-Night Bus, den Mini-Stade an Skatepark déi elo um Treff sinn. 2010 ass dann een Jugend-Talk organiséiert ginn an am Suivi dovunner ass den Jugendgemengerot opgestallt ginn. Hei kann méi een regelméisseg Dialog zwësche den Jonken an der Gemeng stattfannen an dem Marc Lies ass et wichteg gewuer ze ginn wéi déi Jonk hiir Gemeng gesinn an wat se vun Iddien hunn. Wéi och soss bei Veräiner, obwuel den Jugendgemengerot net mat engem Veräin ze vergläichen ass, ass et dem Schäfferot wichteg déi Ureegungen och ëmmer sérieux ze huelen an méiglechst ze konkretiséieren.

Virstellung Projet « Maart »

Den Präsidant vum Jugendgemengerot, Yves Weiland, huet no der Virstellungsronn een vun den Projeten vum Jugendgemengerot virgestallt. Den Jugendgemengerot schléit fir, fir 2mol am Mount een Maart zu Hesper ze organiséieren. Eemol am Mount soll dat méi een Maart wéi an der Stad ginn mat Verkafsstänn mat Geméis an Uebst, Pflanzen a Blummen, Brout, Kéis, Charcuterie, Poulet, Miwwel an och engem Stand mat Snacks (Fritten an Gegrills). 2 Wochen méi spët soll den aneren Maart ëmmer stattfannen deen méi d'Form vun engem Floumaart soll hunn. Speziell Kanner a Jonker sollen hei d'Méiglechkeet kréien fir hir Saachen ze verkafen déi si net méi selwer benotzen, mä och fir Erwuessener soll dësen Maart sinn fir dass d'ganz Famill zesummen kann op deen Maart kommen an eppes fir jiddereen do ze fannen ass.

Wéini: Samschdeg mëttes (dann kinnten eventuell och Stänn déi moies um Knuedler sinn nach op Hesper kommen.

Wou: Virun der Gemeng, op der neier Plaz virun der Kierch, virun der Primärschoul (je no wieder dann Indoor am Centre Civique) oder um Holleschbiert

Viirdeeler vun esou engem Maart:

- Bonus fir d'Gemeng, et ass eng Offer weider an et zitt Leit an d'Gemeng, domadder och gutt fir d'lokal Geschäfte an Gastronomie
- D'Bierger aus der Gemeng mussen net méi an aner Gemengen fir op een Maart
- Besonnesch an den nächsten Méint eng attraktiv Alternativ zum Maart an der Stad wou et mam Traffik duerch

Chantieren nach méi schwierig gëtt an Akeef awer schwéier ouni Auto ze maachen sinn

Wat gëtt gebraucht: Dëscher, een Flyer deen Tout-Boîte verdeelt gëtt (10.000 Stéck), Affichen eng Kontaktmail Adress.

Wat muss gemaach ginn: Händler fannen déi een Stand wëllen maachen.

D'Reaktioun vum Buergermeeschter war ganz positiv, et wier eng flott Iddi. Virun Joeren hätt d'Emweltkommissioun eng ähnlech Initiative gehat an een Blumenmaart organiséiert. Zwou Froen stellen sech bei esou Initiativen: zéien d'Geschäftsleit mat an kommen d'Leit? Dëst war beim Blumenmaart net evident. D'Geschäfte mussen dann deen Dag duebel esouvill Personal hunn, an hirem Geschäft wëll dat wëllen se net zoumaachen an um Stand. D'Iddi vum Floumaart ass do schon méi einfach ëmzesetzen. Den Schäfferot ënnerstëtzt awer déi zwou Pisten mä weist drop hin dass et vill Aarbescht ass, wou d'Gemeng awer bereet wier ze hëllefen.

Nächst Schrëtt:

- Den Jugendgemengerot mëscht een Sondage bei den Geschäftsleit aus der Gemeng an och beim Maartverband
- Den Jugendgemengerot kontaktéiert den Service Relations publiques fir d'Organisatioun vum Floumaart

Projet Grillplazen

Den Claude Charpentier, Vize-Präsident, huet am Uschloss den Projet vun den Grillplazen virgestallt. D'Zil ass eng frei Plaz fir déi Jonk an een Treffpunkt ze fannen wou si eppes ënnert Kollegen kennen ënnerhuelen. Duerch d'Ariichten vun Plazen fir ze grillen an fir Lagerfeier ginn herno manner Leit op eng net erlaabten Plazen grillen. Et muss just propper bleiwen an et muss och no enger gewëssen Zäit, owes, méi roueg sinn an et dierf net ofgerappt ginn. Et soll no Sécherheet gekuckt ginn op den Grillplazen fir dass een sech net wéideet oder verbrennt. Fir méi Sécherheet & den Respekt vun den Regeln sollen och d'Agents Municipaux desöfteren op déi Plaz kucken goen. Den Ënnergrond vun da Grillplaz soll aus Beton sinn well aner Saachen wei Sand an Wiss kennen immens waarm ginn an zu engem Brand féieren. D'Lach wou D'Grillplaz ass soll mat Steng ronderëm protegéiert ginn. Fir de Material sinn Stengbléck als Sätzgeleeënheet déi geduecht sinn fir 2-3 Leit ongeféier déi sech drop setzen kënnen. Fir den Projet ze realiséieren misst den Service Technique vun der Gemeng sech drëm këmmern.

Méiglech Plazen déi sech déi Jonk geduecht hunn:

- Houwald beim Tennisterrain
- Houwald beim Scouts Home wou nëmme minimal (solar) Beliichtung feelt
- Hesper op der grousser Wiss beim Skatepark
- beim Beach-Volley um Holleschbierg.

An der Reaktioun huet den Buergermeeschter begréisst dass déi Jonk sech do vill Gedanken gemaach hunn. Och hei ass den Marc Lies op bishereg Erfarungen agaangen déi leider net esou gutt waren fir d'Gemeng. Op der Gantenbeins Millen haten si esou eng Plaz ageriicht an leider ass den Dreck do ëmmer leien gelooss ginn. Ähnlech ass et momentan zu Alzég bei der Laangheck, wou just eng Bänk an een Dësch steet. Schlecht Erfarungen an der Vergaangenheet mussen awer net bedeuten dass een neien Ulaf net kinnt besser funktionéieren, mä dofir misst een eng Plaz fannen déi net ze vill ofgeleeën ass (also éischer déi beim Treff zu Hesper) an dass déi Jonk sech aktiv implizéieren, och Regeln opstellen. Dofir ass den synthetischen Fussballsterrain um Houwald jo een ganz gutt Beispill, wou déi Jonk mam Buergermeeschter zesummen den Projet vun Ufank un geplangt hunn an bis elo alles gutt leeft. Mee den Problem ass och dass do net nëmmen Jonker déi elo aktiv drun schaffen wäerten déi Plaz do notzen, och Erwuessener an och Jonker déi vläit net den néidegen Respekt virun den Plaz wäerten hunn. Vlät misst een sech och iwwerleeën op een d'Plaz iergendwéi kinnt ofsperrén.

Nächst Schrëtt:

- Déi Jonk iwwerleeën sech Regeln (dofir kinnt een als Beispill och d'Baggerweiheren zu Remerschen huelen)
- Den Jugendgemengerot iwwerleet sech eventuell Optiounen fir dat ganz ze kontrolléieren, dass d'Plaz net ëmmer zougemüllt gëtt

Avis vum Jugendgemengerot zu den Infrastrukturen fir Jonker

De Schäfferot huet gefrot fir den Avis vum Jugendgemengerot zu den Infrastrukturen fir Jonker an der Gemeng ze kréien. De Jugendgemengerot ass immens zefriden mat den Infrastrukturen.

Et si scho gutt Infrastrukturen do wéi:

- Skatepark
- Beachclub
- Jugendtreff
- Foussballsterrain

Niewent de Grillplazen déi feelen a wou de JGR jo en éischte Projet ausschafft, feelt de Jonken eng Schwämm an der Gemeng. Dofir hunn se gefrot op d'Schwämm am Beach-Club net méi grouss kinnt gemaach ginn.

An der Reaktioun huet den Buergermeeschter erklärt dass den Beach-Club op engem begrenzten Terrain niewent dem Camping realiséiert ginn ass an dat och Iwwerschwemmungsgebit ass an si do keng Autorisatioun vum Ministär wäerten kréien fir eppes méi grousses, wat si awer vun Ufank un och net wollten, wéll si bewosst do méi eppes klenges wollten ariichten.

Avis vum Jugendgemengerot zum Late-NIGHT Bus

Den Yves Weiland huet den Avis vum Jugendgemengerot zum Late-Night Bus virgestallt. Hien selwer huet sech ënner anerem an den Jugendgemengerot gemellt fir sech fir esou een Nuetsbus anzesetzen an all d'Member begréissen dass d'Gemeng deen Bus erëm agefouert huet. En ass zwar bis elo just 1 Kéier vun engem Jonken vum Jugendgemengerot benotzt ginn, d.h. Déi Jonk aus dem JGR hun net esouvill Erfarungen an wëllen sech méi ëmfroen bei aneren Jonken ier sie een definitiven Avis ofginn. Positiv ass op jiddefall dass d'Elteren net méi fueren mussen fir déi Jonk sichen ze fueren an keen méi den ganzen Wee ze Fouss muss goen, wat virun allem Jonker vum Houwald des öfters gemaach hunn an der Vergaangenheet.

Freides an Samschdes fiert een um 00:55 an een um 02:55h, dat ass dann deen leeschten Bus.

Fenteng an Itzeg ginn net ugefuer. Et fiert och keen Bus um 02:00h. Fir déi 2 Problemer ze léisen proposéiert den JGR dass ëm déi Zäit een Bus just fir d'Gemeng soll fueren oder eng Navette d'Verdeelung zwësche den Lokalitéiten mëscht an den Nuetsbus och géint 2 Auer eng Kéier fiert.

An der Reaktioun vum Schäfferot ass erklärt ginn dass deen Bus jo och an aneren Gemengen fiert an si dann mat deenen Gemengen giffen driwwer schwätzen op den Bus eng Kéier weider, um 2 Auer kinnt fueren. Och gëtt d'Busentrepise gefroet op si eng Lëscht kënnen feieren wou d'Leit uginne wou si erausklammen, fir ze kucken wéi en vun den Hesper Bierger benotzt gëtt. Den Buergermeeschter huet och nach eng Kéier erklärt dass et jo schon mol een Nuetsbus ginn war, deen och méi an d'Lokalitéiten gefuer ass, mee dun awer immens laang ënnerwee war, esou dass net vill Leit en benotzt hunn. Dofir war Hesper déi éischt Gemeng déi d'Night Rider Kaart ugebueden huet, déi méi flexibel an och méi een sécheren Heemtransport erméiglecht huet. Wann een bis bei d'Diir wéll gefouert ginn ass dat mam Night Rider och elo nach ëmmer méiglech. Den Schäfferot freet och mol no wéivill Leit nach esou eng Kaart hunn (+/- 100) an wéivill en benotzt gëtt.

Nächst Schrëtt:

- Déi Jonk maachen eng Ëmfro, iwwer Internet an/oder andeems si mam Bus matfueren an kucken wou d'Leit erausklammen an mat den Leit schwätzen.

Budget fir den Jugendgemengerot

Et gouf proposéiert fir 1500 Euros Budget fir den Jugendgemengerot ze kréien. Déi sollen a Kategorien agedeelt ginn, een Deel fir Projeten kucke ze fueren goen an een aneren Deel fir Flyers ze drécken fir Projeten, etc. Si hunn och proposéiert fir e Jugendgemengerotskont opzemaachen. De Pit géif sech dann drëm këmmen wann den Accord do ass. Wann eppes um Kont muss gemaach ginn ewéi ophiewen, mussen 2 Ënnerschrëften drop sinn, dem Caissier seng an eng 2. zoustänneg Persoun. Fir all Ausgab muss een de Keesenticket halen an dem Caissier ginn.

Den Schäfferot ass prinzipiell averstan, et muss een just kucken wéi een dat praktesch an legal mëscht, opjidderrfall muss eng Generalversammlung all Joer stattfannen wou d'Konten cloturiert ginn an den Trésorier eng Décharge kritt.

Alterskategorie vum Jugendgemengerot

Déi Jonk hu proposéiert fir d'Alterskategorie vum Jugendgemengerot op 24 Joer ze héijen, well e Jonken dee mat 19 Joer Member gëtt soss net laang am JGR kann bleiwen.

Den Schäfferot ass averstan den Alter vum JGR op 14-24 Joer ze änneren. Dëst muss dann och am Konzept an an der Konventioun geännert ginn an duerch den Gemengerot.

Froen vun den Jonken

Een Jonken deen sech am Jugendgemengerot wëll engagéieren huet nogefrot op een net Waasserfontainen an Poubellen mat Äschebecheren kinnt um Houwald beim synthetischen Terrain an beim Treff opstellen. Den Schäfferot kuckt wat do méiglech ass, fir den Houwald ass guer keen Problem mä beim Treff leien keng Waasserleitung. Net weit dovun, bei der Schoul kinnt awer eng Méiglechkeet bestoen.

Den Stefano huet gefrot firwat d'Gemeng d'**Vakanzaktivitéiten** duerch den Mini-Hesper ersat huet. D'Diane Adehm huet erklärt dass dëst fir si een méi flott Konzept ass an vill Succés bei den Kanner huet. Hei kënnen d'Kanner sech och Exkursiounen „kaafen“ wann si bei den Reesbüro ginn. D'Madame Adehm hält dem Stefano seng Ureegung mat fir an Zukunft méi Exkursiounen am Kader vum Mini-Hesper virzegesinn.

Den Yves huet gefrot firwat een just 3 **Vignetten gratis pro Ménage kritt fir d'Autoen** an der Strooss ze parken. Den Schäfferot huet geäntwert, dass jo net méi Plazen do wäeren an dass d'Leit och hiren Autoen an hir Afaart an och hir Garage sollen setzen. Och sinn d'Stroossen schon immens belaascht vum Autoverkéier.

Nächst Entrevue mam Schäfferot

Déi nächst Entrevue mam Schäfferot ass den 12 Oktober 2013.